

# 中山狼傳

馬中錫

趙簡子大臘於中山。虞人道前，鷹犬羅後，捷禽鷙獸，應弦而倒者，不可勝數。有狼當道，人立而啼。簡子垂手登車，援烏號之弓，挾肅慎之矢，一發飲羽，狼聲失而遁。簡子怒，驅車逐之，驚塵蔽天，足音鳴雷，十步之外，不辨人馬。時墨者東郭先生，將北適中山以干仕，策蹇驢，囊圖書，夙行失道，望塵驚悸。狼奄至，引首顧曰：『先生豈有志於濟物哉！昔毛寶放龜而得渡，隨侯救蛇而獲珠，龜蛇固弗靈於

○本篇曾被馬中錫同時人康海改編作劇本，亦名中山狼。

○馬中錫字天祿，故城人，成化進士。後爲右都御史，率兵討劉六。爲言者所劾，遂被逮死獄中。有東田

集。

狼也。今日之事，何不使我得早處囊中，以苟延殘喘乎？異時倘得脫穎而出，先生之恩，生死而肉骨也。敢不努力，以效龜蛇之誠。』先生曰：『嘻，私汝狼，以犯世卿，忤權貴，禍且不測，敢望報乎！然墨之道，兼愛爲本。吾終當有以活汝。脫有禍，固所不辭也。』乃出圖書，空囊橐，徐徐焉實狼其中。前虞跋胡，後恐竄尾，三納之而未克。徘徊容與，追者益近。狼請曰：『事急矣！先生果將揖遜救焚溺，而鳴鸞避寇盜邪？惟先生速圖！』乃跼躄四足，引繩而束縛之，下首至尾，曲脊掩胡，蜩縮蠖屈，蛇盤龜息，以聽命先生。先生如其指，內狼於囊口，肩舉驢上，引避道左，以待趙人之過。已而簡子至，求狼弗得。盛怒，拔劍斬轅端示先生，罵曰：『敢諱狼方向者，有如此轅！』先生伏質就地，匍匐以進，踣而言曰：『鄙人不慧，將有志於世。奔走遐方，自迷正途，又安能發狼蹤，以指示夫子之鷹犬也。然嘗聞之，大道以多歧亡羊，夫羊一童子可制之，如是其馴也，尙以多歧而亡。狼非羊比，而中山之歧，可以亡羊者何限。乃區區循大道以求之，不幾於守株緣木乎？況田獵，虞人之所事也。君請